



Broj: 01-11-2-1255/25-14
Konjic, 07.08.2024. godine

Na osnovu člana 72. stav (3) tačka a) i člana 70. stav (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), Preporuke Komisije za nabavku broj: 10-11-2-1255/25-13 od 01.08.2025. godine, u postupku javne nabavke "Izrada čeličnih stubova za sportsku reflektorsku rasvjetu na Gradskom stadionu u Konjicu", a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik donosi

ODLUKU **o izboru drugorangiranog ponuđača**

Član 1.

Poništava se Odluka o izboru najpovoljnijeg ponuđača broj: 01-11-2-1255/25-8 od 13.05.2025. godine, u postupku javne nabavke radova pod nazivom "Izrada čeličnih stubova za sportsku reflektorsku rasvjetu na Gradskom stadionu u Konjicu", u skladu sa Preporukom Komisije za nabavku broj: 10-11-2-1255/25-13 od 01.08.2025. godine.

Član 2.

Prihvata se Preporuka Komisije za nabavku, broj: 10-11-2-1255/25-13 od 01.08.2025. godine i ugovor za javnu nabavku radova "Izrada čeličnih stubova za sportsku reflektorsku rasvjetu na Gradskom stadionu u Konjicu", **dodjeljuje se** drugorangiranom ponuđaču „AMITEA“ d.o.o. Mostar, ul. Bišće polje bb, 88000 Mostar, ponuda broj 7/25 od 23.04.2025. godine, za ponuđenu cijenu, ostvarenu na e-aukciji, u iznosu od 420.000,00 KM bez PDV-a, odnosno 491.400,00 KM sa PDV-om, kao drugorangiranom ponuđaču.

Član 3.

Ponuđač iz člana 2. ove odluke oslobađa se dostavljanja kvalifikacionih dokaza traženih tačkom 12. tenderske dokumentacije (lična sposobnost), obzirom da je iste, valjane, dostavio u ponudi.

Član 4.

Ova odluka objaviće se na web - stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-11-2-1255/25-1 od 24.03.2025. godine, koji je sproveden otvorenim postupkom.

Procijenjena vrijednost javne nabavke je: 491.000,00 KM.

Za provođenje predmetnog postupka rukovodilac ugovornog organa je Odlukom broj: 01-11-2-1255/25-2 od 25.03.2025, imenovao Komisiju za javnu nabavku.

Komisija za javnu nabavku je dostavila rukovodiocu ugovornog organa Zapisnik o pregledanju i ocjeni ponuda, Preporuku o izboru najpovoljnijeg ponuđača i Izvještaj komisije o radu, na osnovu kojih je donesena Odluka o izboru najpovoljnijeg ponuđača broj: 01-11-2-1255/25-8 od 13.05.2025. godine, kojom se ugovor dodijelio ponuđaču NEXEN d.o.o. Banja Luka, ul. Kozarska br. 61b, 78000 Banja Luka. U članu 2. navedene odluke o izboru, izabrani ponuđač bio je dužan da u roku od 5 dana od dana prijema odluke, na protokol ugovornog organa, dostavi dokaze o kvalifikovanosti u skladu sa tačkom 12. tenderske dokumentacije (lična sposobnost).

U postupku ocjene dostavljenih dokaza, izabranog ponuđača NEXEN d.o.o. Banja Luka, Komisija za nabavku je na osnovu uvida u elektronsku poštu ugovornog organa, utvrdila, da je ponuđač dana 15.05.2025. godine, zaprimio Odluku o izboru najpovoljnijeg ponuđača broj: 01-11-2-1255/25-8 od 13.05.2025. godine, te je bio u obavezi da dostavi dokaze o kvalifikovanosti na protokol ugovornog organa u roku od 5 dana.

Komisija za nabavku je, na osnovu službene evidencije ugovornog organa, utvrdila da izabrani ponuđač (NEXEN d.o.o. Banja Luka) nije dostavio tražene dokaze u zadatom roku, te je Komisija, u skladu sa članom 72. stav (3) tačka a) Zakona o javnim nabavkama, jednoglasno dala Preporuku rukovodiocu ugovornog organa broj: 10-11-2-1255/25-13 od 01.08.2025. godine, da se ugovor za predmetnu nabavku dodijeli drugorangiranom ponuđaču „AMITEA“ d.o.o. Mostar, za ponuđenu cijenu, ostvarenu na e-aukciji, u iznosu od 420.000,00 KM bez PDV-a.

Napominje se, da je predmetni postupak bio obustavljen zbog izjavljene žalbe na odluku o izboru najpovoljnijeg ponuđača, te nakon sticanja formalnopravnih uslova postupak je nastavljen.

Uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije, te je odlučeno kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od deset dana od dana prijema ove odluke.

Pripremio: Elvir Nuhić *Nuho*

Dostaviti:

1. Gradonačelniku,
2. Ponuđačima,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i prave poslove,
5. Službi za zajedničke, stručne i inspeksijske poslove,
6. A/a

